



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

9. Ieroboam amoto antiquo & vero Dei cultu, constituit sacerdotes de extremis populi, reprehenditur à viro Dei, &c.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

cinus vrgebat: cunctantibus iratus minabatur. At illi immoti fixique steterunt, ad eum ipsemet occidi, si fors ita fieret, quam occidere Dei ministros malebant. Serui denique morte contempta, praeulerunt furentis domini iussioni reuerentiam sacerdotum: Doeg vero Idumaeus, cui nulla religio, nullus Dei metus erat, nec sacerdotum quidem eius cruore manus suas foedare timuit, nec distulit pios coram impio rege iugulare, ut illi morem gereret. Doeg interpretatur mortuus, ne nescias morte aeterna damnandum esse, quisquis tam excellentis ordinis viris iniuriam irrogare non perhorreret. Ac ne tam immane flagitium, vel Sauli vel ipsi Doeg impunè celsisse existimes, ambo simul, cum in Gelboe Philistinosis fugerent, iusto Dei iudicio propriis mucronibus incubuerunt, semet interficientes, qui sacerdotes interfecerant. Hæc Marulus.

Ex lib. 3. Reg. cap. 12. 13. & 14. Ieroboam amicus antiquo & vero Dei cultu, constituit sacerdotes de extremis populi, reprehenditur a viro Dei contra quem cum extendere manu, mox arefacta est oranteque viro Dei, restituitur manus pristino vigori.

CAP. IX.

CIVM populus defecisset à rege Roboam ad Ieroboam, atque hic metueret, ne reuerteretur regnum ad domum David, ait intra se: si ascenderit populus iste, ut faciat sacrificia in domo Domini in Ierusalem, conuer-

vertetur cor populi huius ad Dominum suum
 Roboam regem Iuda, interficientque me, &
 revertentur ad eum. Et excogitato consilio fe-
 cit duos vitulos aureos, & dixit eis: Nolite vi-
 scendere Ierusalem. Ecce dii tui Israel, qui
 reduxerunt de terra Aegypti. Et factum est
 verbum hoc in peccatum. Et fecit fana in ex-
 cellis, & sacerdotes de extremis populi, qui non
 erant de filiis Leui. Constituitque diem solen-
 nem in mense octavo, quintadecima die men-
 sis, in similitudinem solennitatis, quae celebra-
 tur in Iuda. Et ascendens, altare similiter fecit
 in Bethel, ut immolaret vitulis, quos fabrica-
 tus fuerat. Constituitque in Bethel, sacerdo-
 tes excelsorum quae fecerat, & ascendit super
 altare quod extruxerat in Bethel, quintadeci-
 ma die mensis octavi, quem finxerat de corde
 suo. Et fecit solennitatem filijs Israel, & ascen-
 dit super altare, ut adoleret incensum. Et ecce
 vir Dei venit de Iuda in sermone Domini in
 Bethel, Ierobam stante super altare, & thus ia-
 ciente. Et exclamavit contra altare in sermone
 Domini, & ait: Altare, altare, haec dicit Domi-
 nus: Ecce filius nascetur domui David, Iosias
 nomine, & immolabit super te sacerdotes ex-
 celsorum, qui nunc in te thura succendunt, &
 omnia hominum super te incendet. Deditque in
 illa die signum, dicens: Hoc erit signum quod
 locutus est Dominus: Ecce altare scindetur, &
 confundetur, cuius, qui in eo est. Cumque au-
 disset rex sermonem hominis Dei, quem in-
 cla-

*Simili strata
 gemate in
 Belgio eiectione
 sunt sacerdo-
 tes Catholici,
 amotus legis
 minus magi-
 stratus, inue-
 niturque Calui-
 nismus, ne re-
 vertatur po-
 pulus ad do-
 minum suum
 regem.*

8. Reg. 14.

clamauerat contra altare in Bethel, extendit
manum suam de altari, dicens: Apprehendite
eum, & exaruit manus eius, quam extenderat
contra eum, nec valuit retrahere ad se. Altare
quoque scissum est, & effusus est cinis de alti-
ri, iuxta signum quod prädixerat vir Dei in
sermone domini. Et ait, rex ad virum Dei: De-
precare faciem domini Dei tui, & ora pro
me, vt restitatur manus mea mihi. Orauit
vir Dei, faciem Domini, & reuersa est manus
regis ad eum, & facta est sicut prius fuerat. Pos-
tea cum Abia filius Ieroboam agrotaret, mit-
teretque vxorem suam ad Ahiam Prophetam,
vt consuleret eum super filio suo, respondit
Propheta: Ego missus sum ad te durus nunci-
us, quia hæc dicit Dominus, ecce ego inducam
mala super domum Ieroboam, & pereuti-
am de Ieroboam mingentem ad parietem, qui
mortui fuerint de Ieroboam in ciuitate, co-
medent eos canes: qui autem mortui fuerint
in agro, vorabunt eos aues coeli, &c. Ecce hæc
fuit merces abolentis verum Dei cultum, &
maiorum suorum religionem, remouentis le-
gitimos Dei sacerdotes, & alios de extremis
populi constituentis, ascendentis super altare,
vt adoleret incensum.

*Ex 3. libr Reg. cap. 19 & 4. Reg cap. 9. De fa-
nesto interitu impie regine Iezabel, qua oc-
cidit Prophetas Domini & Eliam mortem e-
rat interminata.*

C A P. X.

Im.